



9. marts 2012  
12. august 2011

UPA 2012/23  
UKA 2011/137

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Kalaallinut inuusuttunut sakkutujusussaaneq pillugu apeqquteqaat aallaavigalugu oqlinnissamik siunnersuut.**

(Inatsisartuni ilaasortaq Justus Hansen, Demokraatit)

### **Tunngavilersuut**

Nunarsuaq allanngoriartupiloorfiallunilu ineriertupiloorfiuvoq. Tamanna pitsasuuvivoq oqilial-lannarlunilu. Allanngoriartorneq nunarsuarmut tamarmut siaruaattoq taaneqakkajuttarpoq nunarsuarmut siaruarnertut. Nunarsuarmut siaruaneq piumasaqarpoq piginnaaneqarnissaq ammanis-samut, akaarinninnissamut, nutaaliornissamut, sungiussiassuseqarnissamut, unammillerluarsin-naanissamut, niueqatigiinnissamut aamma minnerunngitsumik akisussaassuseqarnissamut. Tamanna atuuppoq nunanut, suliffeqarfinnut minnerunngitsumillu uatsinnut innuttaasunut ataasiak-kaanut.

Demokraatinuit apeqquteqaat aallaavigalugu oqallinnermi uani sammerusupparput naalagaafeqatigiinnermut peqataaneq aamma nunarsuarmut siaruarfiusumut peqataaneq malitsigisaanillu eqqatsinni pisunut akisussaaneq.

Ulloq nuannaarfiuvoq Namminersorneq 21. juni 2009 eqqukkatsigut. Namminersornerup eqquneratigut pisinnaatitaaffit pisussaaffillu malittaapput. Tamatumani Demokraatinut oqaaseq qitiusoq tassaavoq akisussaaneq. Allatut oqaatigalugu imminut pisussaafflersimavugut annertunerusumik akisussaanissamik nunatsinnut, naalagaaffeqatigiinnermut nunarsuullu sinneranut. Tamanna pitsasuullunilu pissusissamisoorpoq.

Naak Namminersorneq pillugu inatsisip nunanut allanut politikkikkut killileraluaraatigut, piffisanngorpoq inatsisip sinaakkutaasa iluani nunanut allanut tunngasuni politikkikkut annertunerusumik piginnaaneqarnermik takutitsinissamik. Allatut oqaatigalugu Demokraatinuit kissaati-givarput nukittuunerusumik nammineernerusumillu nunanut allanut politikkikkut pissusilors-nissaq.

Tamanna tunngavagalugu maani inersuarmi partiit allat peqatigalugit eqqartorusupparput periar-fissaq kalaallinut inuusuttunut sakkutujusussaataanermik atuutilersitsinissaq. Upperaarput inuusuttatta unammilligassat nunat allat inuusuttai assigalugit naammassisinnaagaat. Aamma upperaarput inuusuttatta nunat allat inuusuttaat assigalugit akisussaaffimmik tiguserusunnerat.

Kalaallit Namminersorneq pillugu isumalioqatigiissitaat aamma taamatut isumaqarpoq, taamanili 2003-mi. Tamanna pillugu Kalaallit Namminersorneq pillugu isumalioqatigiissitaat tunngaviusumik isumaqarput sakkutuujusussaaneq sakkutuujunngitsutullu pisussaaffeqarneq arlariissillugit pilersittariaqartut. Isumalioqatigiissitap taamaattumik taamanikkut naalakkersuisusut kaammat-torpaat qulaajaaneq aallartissagaat sakkutuujusussaatitaanerup ulluinnarni aningaasatigullu kingunissai ersarissisikkumallugit, ilanngullugu inuit sakkutuujusussaatitaanermut tinguneqann-gitsut sakkutuujunatik inuiaqatigiinnik sullisisarnissaat.

Demokraatinuit ersarissarisupparput isumaqannginnatta, kinaluunniit nammineq piumassutsimnik ilanngussimanngitsoq Afghanistan-imut nunamulluunniit allamut sorsuffiusumut nassiun-neqarsinnaassanngimmat. Naggataagut kalaallinut inuuusuttunut nunarsuami akisussaaffimmik tingusisimasunut ataqqinninnerput annikkusupparput.

Taamatut oqaaseqarlunga Inatsisartut oqallilluarnissaannik kissaakkusuppakka.

## **ILANNGUSSAQ:**

**Issuagaq "Namminersorneq pillugu Isumalioqatigiissitat isumaliutissiissutaat", april 2003, qupp. 122-125.**

"Pinngitsoorani sakkutuunngortitaasarneq sakkutuujusarnerlu maannamut kalaallinut takornartaalluinnarsimavoq. Taamatut inuiaat tunngaviusumik akisuussaaffeqarumannginnerat nuna-siaanermit pilersuuvoq. Namminersornerunerup nalaani maanna kalaallit qimakkiartugaanni taa-matut pissutsit issimanerat aamma assortortariaqanngilaq. Kalaallit Nunaalli namminersulissap-pat Namminersorneq pillugu Isumalioqatigiissitat isumaqarput sakkutuunngortitaasarnissaq avaqqunneqarsinnaanngitsoq.

Maannakkummi imaanngikkaluarpoq "namminersorneq" naalagaaffittut namminiilivinnerussa-soq, taamaattumillu imaanavianngilaq Kalaallit Nunaat nammineq sakkutuulersornissamik pior-saassasoq. Illuatungaatigulli namminiileriartornissap tungaanut naalakkersuinikkut ineriartornis-samut ingerlaneq nunarsuarmioqatitsinnut oqariartuuteqassasoq imminut napatissinnaaneruler-nissamat tamatumunngalu piginnaassuseqarnissamik.

Kalaallit Nunaata nutaap - minnerpaamik - nunatami imartamilu nakkutigineqarnerat peqataaffi-gerusuppagu pinngitsoorani sakkutuujusarneq ulluinnarni atugassatut pisariaqartussaavoq. Dan-markimik qanimat suleqateqarnermi ineriartornerup matuma qulequtarisaani aanaralaarsuuvoq kalaallit inuusuttut minnerpaamik danskit sakkutuuni Kalaallit Nunaannik sullisisuni peqataa-nissaat. Maannakkut pissutsit qiviaraanni Kalaallit Nunaat sillimaniarnermi politikkut isigalu-gu pitsaaneruvoq oqaatigigaanni tassaasoq nuna namminersornerusoq naalagaaffimmit sernissu-gaasoq. Imminut aquaternissamik ilungersuutiginninnerup inuiaqatigiit tamanna akimorlugu qaf-faallatsissappagit illuatungeriit susassaqaqatigiiffimminnut pilliuteqartariaqarput. Isuman-naatsuunissaq ataatsimoorfiuvoq illuatungeriit tamarmik immikkut pilliuteqaqataaffigisariaqa-gaat."

[...]

"Taamaattumik Namminersorneq pillugu Isumalioqatigiissitat tunngaviusumik isumaqarput kalaallit inuusuttut sakkutuujusussaanaerat sakkutuujunngitsutullu pisussaaffeqarnerat (CSP) arli-issillugit pilersittariaqartut. Inuu-suttut kissaatigiartorpaat inuiaqatigiit siunissaannut nammineq akisussaaqataanissartik, nammineq nunagisap sullinnissaanut periarfissanik timita-linnik tik-kuunneqarnissartik aammalu suliartortut avataaniit tikisinneqartartut ikilisarneqarnissaat.

Aaqqissuussineq pilersinneqassaaq naalagaaffimmi oqartussaasut suleqatigalugit, sakkutuujusus-saataasut naalagaaffeqatigiinnerup iluani sakkutuuni sulisassallutik, sakkutuujunatillu inuiaqati-ginnut sullisisussaatitaasut imminut aqunnerup ataani sulisassallutik.

Nalinginnaasumik sakkutuujusussaataanerup kingunerissavaa inuusuttut 800-it missaasa piffis-sartik nukitillu inuiaqatigiinnut atoqqullugit neqeroorutigisalissammatigit. Ilaat Kangilinnguani sulisussatut aggersarneqarpata ilaat sakkutuutut tunngaviusumik ilinniarneq ingerlatissavaat qimussimik alapernaarsuisuni Siriusimi sulisinnaanngortitsisussaq taavalu sinneri CSP-mi ator-neqarsinnaallutik. Inuiaqatigiinnik sullissinikkut suliassat amerlasuut naammassineqarsinnaas-sapput. Pinngortitaleriffik asimi suliassaqtuarnermini ikiortissaqalissaq. Meeqqueriviit sulis-sanik amigateqartuarput. Napparsimmaviit, utoqqaat illui utoqqarnillu paaqqinniffit immikkut

suli-sussanik atorfissaqartitsiuarpuit. Katersugaasiviit toqqorsiviillu uninngasuun-teqaqaat nalu-naarsoqqissaassallugit piiffissaqarfingisaminnek. Piniarnermik nakkutilliisut nunarujussuarmi nakkutigisassaminni akisussaaffigisa-minnilu immikkut ikiorteqarnissartik iluaqtigisinnaavaat. Sumiiffinni amerlasuuni salinissaq pisariaqaaq avatangiisinullu eqqumalluarnerunissaq pisari-aqarluni. Tamatuma saniatigut inatsisitigut peqqussutaasumik inuiaqtigiiinnik kiffartuussisaler-nikkut kikkut tamarmik pikkorissarfigisalissam-matigik ikiueeqqaarnissaq, qatserinermut ilinniar-nerit, inunniq annaassiniarneq, sakkut atornissaannik ilinniarneq aamma pinngortitarsuarmi pini-arnermi aallaaniarnermilu imminut annaanniarinnaaneq. Sakkutuujusussaa-titaaneq CSP-lu ata-atsimoortut arnanut angutinullu sammisariaqarput; tunngaviusumillu pissusissamisoorput akis-sarsiaqaataaruujussuartariaqaratilli. Isuma tunngaviusoq tassaavoq suliamik tunniussinissaq tigo-oraaginnarani. Tamatuma peqatigisaanik taamatut aaqqissuussineq Namminersorneq pillugu Isu-malioqatigiissitat sulilerneranni anguniakkamut qanillattuutaassaaq nunap nammineernerera il-lersornera aalisarnermillu nakkutilliineq pineqartillugit.

Tassalu Namminersorneq pillugu Isumalioqatigiissitat kaammattuutigaat naalakkersuisut qulaa-jaaneq aallartissagaat sakkutuujusussaatitaanerup ulluinnarni aningaasatigullu kingunissai ersa-rissisikkumallugit, tamatumani ilanngullugu inuit sakkutuujusussaatitaanermut tiguneqanngitsut pinngitsooratik qaammatini arfinilinni sakkutuujunatik inuiaqtigiiinnik sullisisarnissaat.”